



Bibiliya y' Abana
Ishikirije

Igihe Imana Yarema
Ibintu Vyose



Yanditswe na: Edward Hughes

Amashusho ashirwamwo na:
Byron Unger; Lazarus

Itunganywa na: Bob Davies; Tammy S.

Isobanurwa mu Kirundi na:
Rémy Christian NTIRURIKURE

Yateguwe na: Biblefor Children
www.M1914.org

©2014 Bible for Children, Inc.

Uburenganzira: Murafise uburenganzira bwo kwimura canke
gusohora ku mpapuro iyi nkuru mugihe gusa mutayigurisha.



Ni nde yaturemye? Bibiliya, Ijambo
ry'Imana, ritubwira ingene ubwoko
bw'abantu bwatanguye.



Kera, Imana yaremye umuntu wa mbere hanyuma Imwita Adamu.




Imana yaremye Adamu imukuye mu mukungugu w'isi.




Igihe Imana yahumekeramwo ubugingo muri Adamu, yaciye aba muzima. Aca yisanga ari mu mw'itongo ryiza ryitwa Edeni.




Imbere y'uko Imana irema Adamu,
Yaremye isi ihimbaye yuzuye ibintu
vy'igitangaza.




Bukebuke, Imana irema imisozi,
n'ibiyaya, amashurwe amota neza
n'ibiti birebire, ...



... inyoni z'amababa ayagayaga
n'inzuki ziguruka mu kirere, n'amafi
manini manini yoga mu kiyaga
n'ibifyera vyikwega.



Mu bisanzwe, Imana yaremye
vyose-hariho vyose.



Mu ntango ya vyose,
imbere y'uko Imana
irema ico ari co
cose, nta kindi
cariho Atari
Imana. Nta
bantu canke
ibibanza canke
ibintu. Nta na kimwe.



Nta muco kandi nta
mwiza. Nta hejuru
nta hasi. Nta ejo
haheze, nta ejo
haza. Hariho
gusa Imana
Itarifise
itanguriro.
Hanyuma
Imana irakora!



Mu ntango, Imana yaremye
ijuru n'isi.



Kandi isi yari ikiri
i buziba ata
shusho
ifise.



Kandi umwiza wari
hejuru y'amazi.

Hanyuma
Imana
iravuga:


"Reka
habe
umuco."



Kandi haca haba umuco. Imana yita umuco Umurango nayo umwiza Iwita Ijoro. Haraheza haba umugoroba hamwe n'igitondo biba umusi wa mbere.



Ku mussi ugira kabiri, Imana izana
amazi y'ibahari, ibiyaga n'inzuzi
ibishira munsi y'ijuru.



Ku mussi ugira gatatu,
Imana iravuga, "reka isi yumye
iboneke." Kandi biba uko.



Imana yongera itegeka ivyatsi
n'amashurwe n'uduti
dutoduto n'ibiti
ngo bigaragare.




Kandi biracheza biragaragara.

Hanyuma haba umugoroba



n'igitondo biba

umusi ugira



gatatu.



Hanyuma Imana irema
izuba, hamwe n'ukwezi,
hamwe n'inyenyeri
nyinshi ata n'umwe
yoshobora
guharura.



Haraheza haba
umugoroba n'igitondo,
uba umusi wa kane.




Ivyaremwe vyo
mu kiyaga n'amafi
n'inanyi vyarakurikira
ku rutonde rw'Imana.
Ku musu ugira gatantu
Irema ifi nini gushika
kw'ifi ntonto, inanyi
z'amaguru maremare
n'inanyi ntonto
ziririmba.




Imana irema ubwoko
bwose bw'ifi kugira
zuzure amazi yo
kw'isi, n'ubwoko
bwose bw'inyoni
ngo bunezererewe
ubutaka n'ikiyaga
n'ijuru. Habaho
umugoroba n'igitondo
uba umusi ugira gatanu.



Inyuma y'ivyo, Imana iravuga
kandi. Ivuga, "Reka isi ivyare
ibinyabuzima..." Ubwoko bwose
bw'ibikoko n'udukoko dutoduto
n'ivyikwega hasi bica birabaho.
Habaho inzovu zinyiganza isi n'ifuku
zo mu mwobo.



N'inkende zitaguma
hamwe n'ingona zigenza
nabi. N'imisiba inyogomba n'utunyo
tutagira ishusho. N'imisumbaremba
miremire n'utuyabu tujwira. Igikoko
c'ubwoko bwose caremwe n'Imana
kuri uyo musu.




Haba umugoroba n'igitondo
uba umusi ugira gatandatu.



Imana yarakoze ikindi kintu ku musu
wa gatandatu-ikintu kidasanzwe.

Vyose vyari bikwiye
ku mwana w'umuntu.

Hari indya mu
mirima hamwe
n'ibikoko vyo
kumukorera.



Hanyuma Imana iravuga, "Reka
Tureme umuntu mw'ishusho yacu.
Reka abe uganza
vyose kw'isi."



N'UKO IMANA IREMA UMUNTU
MW'ISHUSHO YAYO;
MW'ISHUSHO
Y'IMANA
IRAMUREMA.



Imana Ibwira
Adamu. "Rya
ico ugomba
mw'ishamba.



Ariko ntuze
urye ku giti
co kumenya
iciza n'ikibi.
Ukazorya kuri
ico giti, uzopfa
ntakabuza."



Hanyuma UHORAHO IMANA avuga,
"si vyiza ko umugabo yoba
wenyene. Nzorema
umufasha kubwiwe."




Imana izana inyoni n'ibikoko
vyose imbere ya Adamu.



Adamu abiha amazina vyose.
Yategerezwa kuba incabwenge
mu gukora ivyo. Ariko
muri izo nyoni n'ibikoko
vyose nta mufasha
yarahwanye na Adamu.



Imana ishira Adamu mw'itiro rinini
cane. Imaze gukura igufa ryo mu
rubavu rumwe rw'uwo
mugabo asinziriye,
Imana ikura
Umugore mu
rubavu rwa
Adamu.



Umugore Imana
yaremye yarakwiye
kuba nyene
umufasha
wa Adamu.




Imana yaremye ibintu vyose
mu misi itandatu. Hanyuma,
Imana ihezagira umusi
w'indwi kandi iwugira
umusi w'akaruhuko.



Mw'Ishamba rya Edeni,
Adamu na Eva, umugore
wiwe bari bafise umunezero
wuzuye mu kubaha
Imana.



Imana yari Umwami
wabo, Uwubaha ivyo
bakeneye kandi
Umugenzi wabo.



Igihe Imana Yarema Ibintu Vyose

Inkuru ivuye mw'Ijambo ry'Imana, Bibiliya

tuyisanga muri

Itanguriro 1-2

"Guhishurirwa amajambo yawe kuzana umuco, guha abatungu ubwenge."

Zaburi 119:130



Iherezo



Iyi nkuru ya bibliya itubwira
kuvyerekeye Imana yacu y'igitangaza
yaturemye kandi igashaka ko tuyimenya.

Imana irazi ko twakoze ibibi, arivyo yita
icaha. Igihano c'icaha ni urupfu ariko Imana
iragukunda cane yarungitse umwana wayo
w'ikinege, Yesu, gupfa ku musalaba kugira
ahanwe kubw, ivyaha vyawe. Hama Yesu
asubira kubaho aca agenda I muhira
mw'ijuru. Niwizera Yesu ukamusaba
aguharire ivyaha vyawe, azobikora.
Azoza abe muri wewe, hama uzobana
na we ibihe bidashira.



Niwizera uko ni ukuri, bwira Imana ibi:
Yesu mwiza, ndizera ko uri Imana, kandi
wacitse umuntu ugapfa kubera ivyaha
vyanje, hama ubu ukaba uri muzima. Rero
ingo mu bugingo bwanje hama uharire
ivyaha vyanje, kugira ngire ubugingo
bushasha, hama umunsi umwe nze mbane na
we ubugingo budashira. Mfasha kugira
ndakwumvire kandi mbeho ku bwawe
nk'Umwana wawe. Amen.

Soma bibiliya hama uvugane n'Imana
iminsi yose. Yohana 3:16

